



## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. III. Aliæ peccatum originale explicandi viæ.

**urn:nbn:de:hbz:466:1-13718**

debet eos reprimere. Tandem quando S. Augustinus addit concupiscentiam, contra quam bonus concupiscit spiritus, seu cui resistitur, esse peccatum, vel intelligit causafalter, iuxta supradicta, vel vult esse peccatum in sensu diviso resistentia. Videatur Bellarminus citatus cap. 13. Valentia hic d. 6. q. 1. puncto 1. Tannerus hic d. 4. q. 7. dub. 3. qui haec fusiūs contra hærticos prosequuntur.

**VI.** Tertiò nonnulli ex novatoribus volunt peccatum originale, non esse quidem concupiscentiam, seu naturæ corruptionem quasi in actu primo, sed ipsos actuales motus pravos concupiscentia. Qui error vel ex eo insufficienter refellitur, quod parvuli etiā in recenter nati habeant peccatum originale, qui nihilominus ejusmodi motum capaces non sunt.

### SECTIO TERTIA.

*Aliæ peccatum originale expli-  
candi via.*

**I.** **Q**UARTÒ itaque dicunt alii, peccatum originale consistere in morbiā quadam qualitate in animo, primo conceptionis instanti productā, seu languore quadam, & hanc etiam qualitatem fomitem & concupiscentiam appellant, & ad malum ac peccatum inclinare afferunt. Hac sententia tribuitur Magistro in 2. dist. 31. Antisiodorensi, Henrico, Gabrieli, & aliis apud Tannerum d. 4. q. 4. dub. 4. num. nonagiesimo sexto. Sed merito hoc rejicitur ab omnibus; cum enim languor iste maneat in renatis, sequi retrum peccatum originale in iisdem manere post baptismum: si autem velint, ut velle ex iis aliqui videntur, qualitatem secundum se non esse peccatum formaliter, sed tantum materialiter quatenus scilicet annexum sibi habet reatum aliquem, qui per baptismum tollitur, nil opus erat ejusmodi qualitatem excoigitare, cum concupiscentia ipsa naturalis sufficeret, nec fomes seu inclinatio naturalis ad peccandum aliud est, quam ipsa entitas appetitus originali iustitiā destituti. Quare Tannerus citatus existimat hos auctores in Philosophiā potius quam Theologiā errasse, in hoc uno nimis rūpido fomitem, seu concupiscentiam ab appetitu distinctam esse asseruerint.

Quinto affirmari alii, peccatum originale nil aliud esse quam ipsum peccatum Adami imputacione quadam, & denominatione tantum extrinsecum omnibus Adami posteris communicatum: unde unum solummodo peccatum originale esse afferunt, idemque omnibus hoc modo extrinsecum imputari. Haec videtur mens Catharini in tractatione de casu hominis; quia tamen sententia, ut eam explicare videtur hic auctor, nempe ut nec singulis insit vere peccatum originale, sed solum extrinsecum, nec ut iis insit peccatum, sed effectus tantum quidam peccati ab Adamo derivatus, sustineri non potest, cum Concilium Tridentinum ses. 5. can. 3. definit peccatum originis inesse unicuique proprium: & ses. 6. cap. 3. propagatos ex Adamo propriam iniustitiam contrahere. Sic etiam Apostolus ad Romanos 5: eodem modo in mortem & peccatum in omnes homines transisse asserat, ergo vere parvulus, & omnibus non reatus inesset peccatum.

**Sexto Durandus** in 2. d. 30. q. 3. affirmare videtur, peccatum originale nil esse aliud, quam

dignitatem quandam ad peccatum : qui proinde insinuat peccatum originale non esse vere & proprium peccatum. Sed hoc ab omnibus merito rejicitur; Concilium enim Tridentinum ses. 5. num. 2. anathema dicit ei, qui affirmat Adamum in omni genere humanum peccatum non transudiisse : & num. 5. damnat eos, qui negant per baptismum tolli totum id quod veram & propriam peccati rationem habet. Tandem communis est vox Sanctorum Patrum ab Adamo in nos, non peccatum tantum & mortem corporalem, sed peccatum etiam & mortem spiritualem fuisse derivatum, ut inter alios diserte docet S. Prosper contra Collatorem, cap. 9.

## SECTIO QUARTA.

*Vtrum peccatum originale consistat  
in peccato Adami habituali-  
ter manente.*

**H**is itaque opinionibus rejectis, duæ aliae originalis peccati constitutio restant, pars penitentia probabilitatis sententia, sive rationum momenta species, sive auctorum, qui iis suffragant numerum, ut difficile videatur ex his unam praeter alteram amplecti, sibiique sequendam aslumere, ut utramque cum sua probabilitate proposita mox videbimus.

I.  
Qua alia pa-  
ris penè in-  
ter se proba-  
bilitatis sen-  
tientia.

Recentiores ergo nec pauci nec indocti asserunt peccatum originale esse ipsum Adami peccatum ad posteros transfusum, iisque inexistentes non Phylise, sed moraliter, sicut in adulto manet habitualiter actus peccati semel commissus, donec expiatur. Atiunt ergo hi auctores Deum, ut supremum Dominum, ita posteriorum omnium voluntates in Adami, tanquam capitis voluntate collocasse, & univisse, ut illo comedente pomum vetitum, & peccante, censerentur etiam illi pomum illud comedisse, & peccasse: & licet peccatum illud Adami praecise prout fuit peccatum personale ipsius, sit ipso postea penitentiam agenti remissum, ut tamen fuit peccatum capitum, seu spectans ad posteros, in iis manet, eosque statim ac concepti sunt, denominat peccatores: ita Salmeron ad Romanos 5. d. 26. Granado de Immaculatae Conceptione d. 1. cap. 9. Zumel, & alii plurimi, quam etiam sententiam tenet & fuse declarat Pater Arriaga hic, Disp. 51 sect. 4:

**III.**  
queretur  
hac sen-  
tia nos  
nos con-  
ui for-  
aliter per  
ditionem  
risti.

Sed contra primò: *Apostolus enim ad Rom. 5.*  
*Sicut, inquit, per inobedientiam unius hominis peccatores confituti sunt multi, ita & per obediētionem unius, iusti constituantur multi, sed non constituiuntur iusti per obediētionem, & alios actus virtutum Christi formaliter, sed solum causaliter, in quantum scilicet et promeretur nobis veram iustitiam internam sanctificantem, ergo &c. Quibus consonat illud Concilii Tridentini sessione 6. cap. 3. ubi docet parvulos, dum concipiuntur, propriam iustitiam contrahere ex vi propagationis carnalis, sicut sideles per renascentiam in baptismo gratiam Christi consequntur. Confirmatur: nam iuxta idem Concilium Tridentinum peccatum originale inest unicuique proprium, de quo plura polter.*

Contra secundum: in intelligibili siquidem videtur quomodo per voluntatem alienam possit quis intrinsecè peccare, & non merè per denominationem extrinsecam, qua de causa magis con sequenter procedebat Catharinus, qui cum hanc feste tam  
naturam originalem non esse nobis intrinsecum, sed ex tempore imputari.

**IV.**